

唐

音

統

籤

乙籤九十三張九齡之二 唐音統籤卷七十九

五言古詩

在郡秋懷二首

秋風入前林蕭瑟鳴高

一作寒

枝寂寞遊子思寤歎

何人知宦成名不立志在歲已馳五十而無聞古
人深所疵平生去外飾直道如不羈未得操劊効
忽復寒暑移物情有固然身退毀亦隨悠悠滄江
渚望望白雲涯露下霜且降澤中草離披蘭艾若
不分安用馨香爲

庭蕪生白露歲候感遐心策蹇慙遠途巢枝思故

林小人恐致寇終日如臨深魚鳥好自逸池籠安
所欽挂冠東都門採蕨南山岑議道誠愧昔覽分
還愜今憮然憂成老空爾白頭吟

荊州作二首

先達志其大求意不約文士伸在知己已况仕於
君徵誠夙所尚細故不足云時來忽易失事往良
難分顧念几近姿焉欲殊常勳亦以行則是豈必
素有聞千慮且猶失萬緒何其紛進士苟非黨免
相安得羣衆口金可鑠孤心絲共焚意忠仗朋信
語勇同敗軍古劍徒有氣幽蘭祗自薰高秩向所

忝於義如浮雲

千載一遭遇往賢所至難問余奚爲者無階忽上
搏明聖不世出真亮非苟安崇高自有配孤陋何
足千遇恩一時來竊位三歲寒誰謂誠不盡知窮
力亦殫雖至負乘寇初無技術鑽浩蕩出江湖翻
覆如波瀾心傷不材樹自念獨飛翰狗義在匹夫
報恩猶一餐况乃山海澤效無毫髮端內訟已慙
沮積毀今摧殘胡爲復惕息傷鳥畏虛彈

郡舍南有園畦雜樹聊以永日

爲郡久無補越鄉空復深苟能秉素節安用叨華

簪却步園畦裏追吾野逸心形骸拘俗吏光景賴
閑林內訟誠知止外言猶匪忱成蹊謝李逕衛足
感葵陰榮達豈不偉孤生非所任江城何寂歷秋
樹亦蕭森下有北流水上有南飛禽我願從歸翼
無然坐自沈

登郡城南樓

閉閣幸無事登樓聊永日雲霞千里開洲渚萬形
出澹澹澄江漫飛飛度鳥疾邑人半鱸鱸津樹多
楓橘感別時已屢憑眺情非一遠懷不我同孤興
與誰悉平生本單緒邂逅承優秩謬忝爲邦寄多

慙理人術，驚鉛雖自勉。倉廩素非實，陳力儻無効。
謝病從芝朮。

秋晚登樓望南江入始興郡路

潦收沙衍出，霜降天宇晶。伏檻一長眺，津途多遠
情。思來江山外，望盡煙雲生。滔滔不自辯，役役且
何成。我來颯衰鬢，孰云飄華纓。櫪馬苦踈跼，籠禽
念遐征。歲陰向晚晚，日夕空屏營。物生貴得性，身
累由近名。內顧覺今是，追歎何時平。

登荊州城望江

滔滔大江水，天地相終始。經闕幾世人，復歎誰家

子東望何悠悠西來晝夜流歲月既如此爲心那
不愁

九月九日登龍山

郡庭常窘東涼野求招曠楚客凜秋時桓公舊臺
上清明風日好歷落江山望極遠何蕭條中留坐
惆悵東彌夏首瀾西拒荆門壯夷險雖異時古今
豈殊狀先賢眇一作杏不接故老猶可訪投弔傷昔
人揮斤感前匠自爲本疎散未始忘幽尚際會非
有欲往來是無妄爲邦復多幸去國殊遷放且汎
籬下菊還聆郢中唱灌園亦何爲於陵乃逃相

登古陽雲臺

庭樹日衰颯風霜未云已
駕言造憂思乘興求相
似楚國茲故都蘭臺有餘址
傳聞襄王世仍立巫
山祀方此全盛時豈無嬋娟子
色荒神女至竟蕩
宮觀啓蔓草今如積朝雲爲誰起

郢城西北有太古塚數十觀其封域多是楚
時諸王而年代久遠不復可識唯直西有樊
妃塚因後人爲植松栢故行路盡知之

蘋藻生南澗蕙蘭秀中林嘉名有所在芳氣無幽
深楚子初逞志樊妃嘗獻箴能令更擇士非直能

從禽舊國皆煙滅先王亦莫尋唯傳賢媛隴猶結
後人心牢落山川意蕭疎松栢陰破牆時直上荒
徑或斜侵惠問終不絕風流獨至今千春思窈窕
黃鳥復哀音

忝官二十年盡在內職及爲郡嘗積戀因賦
詩焉

江流去朝宗晝夜茲不舍仲尼在川上子牟存闕
下聖達有由然孰是無心者一郡苟能化百城簞
云寡愛禮誰爲羊戀主吾猶馬感初時不載思奮
翼無假閑宇嘗自閉沈心何用寫攬衣步前庭登

陟臨曠野白水生迢遞清風寄瀟灑願言采芳澤
終朝不盈把

始興南山下有林泉嘗卜居焉荊州卧病有
懷此地

出處各有在何者爲陸沈幸無迫賤事聊可祛迷
襟世路少夷坦孟門未嘔欵多慙入火術常惕履
冰心一跌不自保萬全焉可尋行行念歸路眇眇
惜光陰浮生如過隙先達已吾箴敢忘丘山施亦
云年病侵力衰在所養時謝良不任但憶舊棲息
願言遂窺臨雲間目孤秀山下面清深蘿葛自爲

幄風泉何必琴歸此老吾老還當日千金

登南嶽事畢謁司馬道士

將命祈靈嶽迴策詣真士絕跡尋一徑異香聞數
里分庭八桂樹肅容兩童子入室希把袖登牀願
啓齒誘我棄智訣迨茲長生理吸精反自然鍊藥
求不死斯言眇霄漢顧余嬰紛滓相去九牛毛慙
歎知何已

與生公尋幽居處

同方久厭俗相與事遐討及此雲山去窅然巖徑
好疑入武陵源如逢漢陰老清諧欣有得幽閒歛

盈抱我本玉階侍偶訪金仙道茲焉求卜築所過
皆神造歲晚林始敷日晏崖方杲不種緣嶺竹豈
植臨潭草卽途可淹留隨日成黼藻期爲靜者說
曾是終焉保今爲簡書畏祗令歸思浩

與生公遊石窟山

探秘孰云遠忘懷復爾同日尋高深意宛是神仙
中躋險構靈室詭制非人功潛洞黜無底殊庭忽
似夢豈如武安鑿自若茅山通造物良有寄嬉遊
迺愜衷猶希咽玉液從此昇雲空咄咄共攜手冷
然且馭風

剛周判官巡至始興會改秘書少監見節之
作兼呈耿廣州

惟昔遷樂土迫今已重世陰慶荷先德素風慙後
齋唯益梓桑豈真山川麗于時初自勉發已無
兼濟壽士多勞力良書啓蒙蔽一探石室文再擢
金門第既起南官草復掌西掖制過舉及小人便
蕃在中歲亞司河海秩轉牧江湖濫勿謂符竹輕
但覺消塵細一麾尚云忝十鶴宜求稅心息已如
灰跡牽且爲蒼忽捧天書委將華海隅弊朝聞循
誠節夕飲蒙瘴癘義疾耻無勇盜憎攻亦銳葵藿

是傾心豺狼何返噬履險甘所受勞賢惡相曳攬
轡但荒服循垓便私第嘉慶始獲申恩華復相繼
無庸我先舉同事君猶滯當推奉使績且結拜親
契更延懷安旨曾是慮危際善謀雖若茲至理焉
可替所仗有神道况承明主惠

和吏部李侍郎見示秋夜望月憶諸侍郎之

什其卒章有前後行之戲因命僕繼作

李侍郎林

甫也其詩云握鏡慚
先照持衡愧後行

清秋發高興涼月復間宵光逐露華滿情因水鏡
搖同持亦所見異路無相招美景向空盡歡言隨

事銷忽聽金華作誠如玉律調南宮尚爲後東觀
何其遼名數雖云隔風期幸未遙今來重餘論懷
此更終朝

和黃門盧監望秦始皇陵

秦帝始求仙驪山何遽卜中年旣無効茲地所宜
復徒役如雷奔珍怪亦雲蓄黔首無寄命赭衣相
追一作馳逐人怨神亦怒身死宗遂覆土崩失天下

龍鬪入幽谷國爲項籍屠君同華元戮始握旣由
楚終焚乃因牧上宰議揚賢中阿感恒速一聞過
秦論載懷空杼軸

將發還鄉示諸弟

歲陽亦頽止林意日蕭
撼云胡當此時緬邁復爲
客至愛孰能捨名義來相
迫負德良不貲輸誠靡
所惜一木逢厦幾塵願山
益無力主君恩寧利
客卿壁去去策歸養憮然
歎行役

二弟宰邑南海見羣鴈南飛因成詠以寄

鴻鴈自北來嗷嗷度煙景
嘗懷稻梁惠豈憚江山
永小大每相從羽毛當自
整雙鳧侶晨泛獨鶴叅
宵警爲我更南飛因書至
梅嶺

題畫山水障

心累猶不盡果爲物外牽偶因耳目好復假丹青
妍嘗抱野間意而迫區中緣塵事固已矣秉意終
不遷良工適我願妙墨揮巖泉變化合羣有高深
倅自然置陳北堂上倣像南山前靜無戶庭出行
已茲地偏萱草憂可樹合歡忿益蠲所因本微物
况乃憑幽筌言象會自泯意色聊自宣對翫有佳
趣使我心渺綿

雜言

奉和聖製瑞雪篇

萬年春三朝日上御明臺旅庭實初瑞雪兮霏微

俄同雲兮蒙密此時騷切陰風生先還金殿有餘
清信宿嬋娟飛雪度能使玉人俱掩嫋皓皓樓前
月初白紛紛陌上塵皆素乍訝驕陽積數旬始知
和氣待迎新匪惟在人利曾是占天意天意豈云
遙雪下不崇朝皇情翫無斁雪委方盈尺草樹紛
早榮京坻宛先積君恩誠謂何歲稔復人和預數
斯箱慶應如此雪多朝冕旒兮載悅想篋笠兮農
節倚瑤琴兮或歌續薰風兮瑞雪福浸昌應尤盛
瑞雲年年常感聖願以栢梁作長爲柳花詠

奉和聖製溫泉歌

有時神物待聖人去後湯還冷來時樹亦春今茲
十月自東歸羽旆逶迤上翠微溫谷蔥蔥佳氣色
離宮奕奕叶光輝臨渭川近天邑浴日溫泉復在
茲羣仙洞府那相及吾君利物心玄澤浸蒼黔漸
漬神湯無疾苦薰歌一曲感人深

乙籤九十三張九齡之三 唐音統籤卷八十

五言律詩

奉和聖製初出洛城

東土淹龍駕西人望翠華山川砥詢物宮觀豈爲
家十月迴星一作星迴斗千官捧日一作捧車洛城無怨

思巡幸更非賒

奉和聖製途次陝州作

馳道當河陝陳詩問國風川原三晉別襟帶兩京
同後殿函關盡前旌關塞通行看洛陽陌光景麗
天中

奉和聖製次瓊嶽韻

山祇亦望幸雲雨見纒心嶽館逢朝餐關門解宿
陰咸京天上近清渭日邊臨我武因冬狩何言是
卽禽

奉和聖製經孔子舊宅

孔一作門泰山下不見登封時徒有先王法令爲
明主恩恩加萬乘幸禮致一牢祠舊宅千年外光
華空在茲

奉和聖製送李尚書入蜀

眷言感忠義何有間山川狷節今如此離情空復

然皇心在勤恤德澤委昭宣周月成功後明年或
勞還

勅賜寧王池宴

賢王有池館明主賜春遊淑氣林間發恩光水上

浮徒慚

一作參

和鼎地終謝巨

一作濟

川舟皇澤空如

此輕生莫可酬

天津橋東旬宴得歌字韻

清洛象天河東流形勝多朝衣逢宴意春盡却妍

和泉鮪歡時躍林鶯醉後

一作裏

歌賜恩頻若此爲

樂奈人何

上陽水牕旬宴得移字韻

河漢非應到汀洲忽在斯仍逢帝樂下如逐海槎
窺春賞時將換皇恩歲不移今朝遊宴所莫比天
泉池

折楊柳

纖纖折楊柳持此寄情人一枝何足貴隣是故園
春遲景那能久芳菲不及新更愁征戍客容鬢老
邊塵

剪綵

姪女矜容色爲花不讓春旣爭芳意早誰待物華

真葉作參差發枝從點綴新自然無限態長在豔

陽晨

一作人

立春日晨起對積雪

忽對林亭雪瑤華處處開今年迎氣始昨夜伴春
迴玉潤廳前竹花繁院裏梅東郊齋祭所應見五
神來

戲題春意

一作江南守江林三四春相鳴不及鳥相樂喜關
人日守朱絲直年摧華髮新淮陽祗有卧持此度
芳辰

秋懷

感惜芳時換誰知客思懸憶隨鴻向煖愁學馬思
邊留滯機還息紛拏網自牽東南起歸望何處是
江天

秋夕望月

清迥江城月流光萬里同所思如夢裏相望在庭
中皎潔青苔露蕭條黃葉風含情不得語頻使桂
華空

望月懷遠

海上生明月天涯共此時情人怨遙夜竟夕起相

思滅燭憐光滿披衣覺露滋不堪盈手贈還寢夢
佳期

林亭詠

穿築非求麗幽閒欲寄情偶懷因壤石真意在蓬
瀛苔益山文古池添竹氣清從茲果蕭散無事亦
無營

林亭寓言

林居逢歲宴遇物使情多蘅蒨不時與芬榮奈汝
何更憐籬下菊無如松上蘿因依自有命非是隔

陽和

晨出郡舍林下

晨興步北林蕭散一開襟復見林上月娟娟猶未
沈片雲自孤遠叢篠亦清深無事由來貴方知物
外心

春江晚景

江林皆秀發雲日復相鮮征路那逢此春一作心

益渺然興來祗自得佳處莫能傳薄暮津亭下餘
花滿客船

三月三日登龍山

伊川與灞津今日祓除人豈似龍山上還同湘水

濱衰顏憂更老
淑景望非春
禊飲豈吾事
聊將偶俗塵

谿行寄王震

山氣朝來爽
谿流日向清
遠心何處愜
閒棹此中行
叢桂林間待
羣鷗水上迎
徒然適我願
幽獨爲誰情

與王六履震廣州津亭曉望

明發臨前渚
寒一作來淨

湖

遠空水紋天上碧
日氣

海邊紅景物
紛爲異人情
賴此同乘槎

一作

自有

適非欲破長風

晚霽登王六東閣

試上江樓望初逢山雨晴連空青嶂合向晚白雪
生彼美要殊觀蕭條見遠情一作晴情來不可極日
暮水流清

三月三日申王園亭宴集

稽亭追往事睢苑勝前聞飛閣凌芳樹華池落綵
雲藉草人留酌銜花鳥赴羣向來同賞處惟恨碧
林曛

故刑部李尚書荆谷山集會

嘗聞繼老聃身退道彌耽結宇倚青壁疏泉噴碧

潭苔石隨人古煙花寄酒酣山光紛向夕歸興杜
城南

旅宿淮陽亭口號

日暮荒亭上悠悠旅思多故鄉臨桂水今夜渺星
河暗草霜華發空亭鴈影過興來誰與晤勞者自
爲歌

江上使風呈裴宣州耀卿

江路與天連風帆何淼然遙林浪出沒孤舫鳥聯
翩常愛千鈞重深思萬事捐報恩非狗祿還逐賈
人船

赴使瀧峽

谿路日幽深寒空入兩嶽霜清百丈水風落萬重
林夕鳥聯歸翼秋猿斷去心別離多遠思况乃歲
方陰

瀧陽峽

行舟傍越岑窈窕越谿深水閣先秋冷山晴當晝
陰重林間五色對壁聳千尋惜此生遐遠誰知造
化心

使至廣州

昔年嘗不調茲地亦遭迴本謂雙鳧少何知驅馬

來人非漢使彙郡是越王臺去去雖殊事山川長
在哉

初發曲江谿中

谿流清且深松石復陰臨正爾可嘉處胡爲無賞
心我由不忍別物亦有緣侵自匪嘗行邁誰能知
此音

自彭蠡湖初入江

江岫殊空闊雲煙處處浮上來羣噪鳥中去獨行
舟牢落誰相顧逶迤日自愁更將心問影于役復
何求

江上

長林何繚繞，遠水復悠悠。盡日餘無見，爲心那不
愁。憶將親愛別，行爲主恩酬。感激空如此，芳時屢
已道。

湖口望廬山瀑布泉

萬丈紅

一作洪

泉落迢迢半，紫氛奔飛

一作流

下雜樹

灑。落出重雲，日照虹蜺似。天清風雨聞，靈山多秀
色。空水共氤氳。

自豫章南還江上作

歸去南江水，磷磷見底清。轉逢空闊處，聊洗滯留

情浦樹遙如待江鷗近若迎津途別有趣况乃濯
吾纓

耒陽谿夜行

乘夕棹歸舟緣源路轉幽月明看嶺樹風靜聽谿
流嵐氣船間入霜華衣上浮猿聲雖此夜不是別
家愁

初入湘中有喜

征鞍窮郢路歸棹入湘流望鳥嗟貧疾聞猿亦罷
愁兩邊楓作岸數處橋爲洲却記從來意一作翻

疑夢裏遊

自湘水南行

落日催行舫，逶迤洲渚間。雖云有物役，乘此更休
間。暝色生前浦，清暉發近山。中流澹容與，唯愛鳥
飛還。

使還湘水

歸舟宛何處，正值楚江平。夕逗煙村宿，朝緣浦樹
行。于役已彌歲，言旋今愜情。鄉郊尚千里，流日夏
雲生。

初發道中寄遠

日夜鄉山遠，秋風復此時。舊聞胡馬思，今聽楚猿

悲念別朝昏苦懷歸歲月遲壯圖空不息常恐髮
如絲

道逢北使題贈京邑親知

征驂稍靡靡去國方遲遲路遠南登岸情搖北上
旗故人憐別日旅鴈逐歸時歲宴無芳草將何寄
所思

將至岳陽有懷趙二

湘岸一作浦多深林青冥晝結陰獨無謝客賞况復
賈生心草色雖云發天光或未臨江潭非所遇爲
爾白頭吟

和姚令公從幸溫湯喜雪

萬乘飛黃馬千金狐白裘正逢銀霰積如向玉京
遊瑞色鋪馳道花文拂綵旒還聞吉甫頌不共郢
歌儔

和崔黃門寓直夜聽蟬之作

蟬嘶玉樹枝向夕惠風吹幸入連宵聽應緣飲露
知思深秋欲近聲靜夜相宜不是黃金飾清香徒
爾爲

酬王六霽後書懷見示

雲雨俱行罷江天已洞開炎氛霽後滅邊緒望中

來作驥君垂耳爲魚我曝鰓更憐湘水賦還是洛陽才

酬王六寒朝見詒

賈生流寓日揚子寂寥時在物多相背唯君獨此思漁爲江上曲雪作郢中詞忽枉兼金訊長懷伐木詩

和王司馬折梅寄京邑昆弟

離別念同嬉芬榮欲共持獨攀南國樹遙寄北風時林惜迎春早花愁去日遲還一作聞折梅處更有棣華詩

在洪州答綦母學士

旬雨不愆期由來自若時爾無言郡政吾豈欲天
欺常念涓塵益惟歡草樹滋課成非所擬人望在
東菑

和韋尚書答梓州兄南亭宴集

棠棣閒餘興烏衣有舊遊門前杜成陌池上曲江
流暇日嘗繁會清風詠阻修始知西峙嶽同氣此
相求

陸平原贈弟有子
為東時留之句

贈澧陽韋明府

六月百鍊刃堪

一作能

斷七重犀誰開太阿匣持割

武城雞竟與尚書佩遙應天子題何時遇操劃一作

柄當使玉如泥

初秋憶金均兩弟

江渚秋風至他鄉離別心孤雲愁自遠一葉感何
深憂喜嘗同城飛鳴忽異林青山西北望堪作白
頭吟

餞陳學士還江南同用徵字

荷條旋江澳銜杯餞霸陵別前林鳥息歸處海煙
凝風土鄉情接雲山客念憑聖朝巖穴選應待鶴
書徵

郡南江上別孫侍御翊

雲嶂天涯盡川途海縣窮何言此地僻忽與故人
同身負邦君怒情紆御史驄王程不我駐離思逐
秋風

東湖臨泛餞王司馬

南上秋雖半東吳草未黃聊乘風日好來汎芰荷
香蘭棹無勞速菱歌不厭長忽懷京洛去難與共
清光

餞王司馬入計同用洲字

元察行上計舉餞出林丘忽望題輿遠空思解榻

遊別筵鋪柳岸征棹倚蘆洲獨歎湘江水鶴唳
北流

通化門外送別

屢別容華改長愁意緒微義將私愛隔情與故人
歸薄宦無時賞勞生有事機離魂今夕夢先繞舊

林飛

送使廣州

家在湘源住君今海嶠行經過正中道相送倍爲
情心逐書郵去形隨世網嬰因聲謝遠別緣義不
緣名

送廣州周判官

海郡雄蠻落津亭壯越臺城隅百雉映水曲萬家
開里樹桄榔出時禽翡翠來觀風猶未盡早晚使
車廻

送楊府李功曹

平生屬良友結綬望光禕何知人事拙相與宦情
非別路穿林盡征帆際海歸居然已多意况復兩
鄉違

送蘇主簿赴偃師

我與文雄別胡然邑使歸賢人安下位鷺鳥欲卑

飛激節輕華冕移官狗綵衣羨君行樂處從此拜
庭闈

送宛句趙少府

解巾行作使樽酒謝離居脩竹含清景華池澹碧
虛地將幽興恆人與舊遊疎林下紛相送多逢長
者車

送韋臧李少府

送客南昌尉離亭西候春野花看欲盡林鳥聽猶
新別酒青門路歸軒白馬津相知無遠近萬里尚
爲鄰

送楊道士往天台

鬼谷還成道天台去學仙行應松子化留與世人
傳此地煙波遠何時羽駕旋當須一把袂城郭共
依然

餞濟陰梁明府各探一物得荷葉

荷葉生幽渚芳華信在茲朝朝空此地采采欲因
誰但恐星霜改還將蒲稗哀懷君美人別聊以一作

取贈心期

送姚評事入蜀各賦一物得卜肆

蜀巖化已久沈冥空所思嘗聞賣卜處猶憶下簾

時驅傳應經此懷賢儻問之歸來說往事歷歷偶
心期

送竇校書見餞得雲中辨江樹

江水天連色無涯淨野氛微明岸傍樹凌亂渚前
雲舉棹形徐一作隨轉登艫意漸分渺茫從此去空

復惜離羣

故刑部李尚書挽詞三首

仙宗出趙北相業起山東明德嘗爲禮嘉謀屢作
忠論經白虎殿獻賦甘泉宮與善今何在蒼生望
已空

宿昔三台踐榮華駟馬歸印從青瑣拜翰入紫宸
揮題劔恩方重藏舟事已非龍門不可望感激涕
沾衣

永歎常山寶沈埋京兆阡同盟會五月華表記千
年渺漫野中草微茫空裏煙共悲人事絕唯對杜
陵田

故徐州刺史贈吏部侍郎蘇公挽歌詞三首

韋玄方繼相荀爽復齊名在貴兼天爵能賢一作言

出世卿學聞金馬詔一作縱神見玉人清藏壑今如

此爲山遂不成

相如只謝病子傲忽云亾豈惜瑤臺雪分彫玉樹
行清規留草議故事在封章本謂山公啓而今歿
始揚

返葬長安陌秋風簫鼓悲奈何相送者不是平生
時寒影催年急哀歌助挽遲寧知建旗罷丹旄向
京師

眉州康司馬挽歌詞

家受專門學人稱入室賢劉楨徒有氣管輅獨無
年謫去長沙國竟歸京兆阡從茲匣中劍埋沒罷
衝天

故榮陽君蘇氏挽歌詞三首

門緒公侯列嬪風詩禮行松蘿方有寄桃李忽無
成劍去雙龍別雛哀九鳳鳴何言嶧山樹還似半
心生

永歎芳魂斷行看草露滋二宗榮盛日千古別離
時竟罷生芻一作香贈空留畫扇悲容車候曉發何

歲是歸期

縞服紛相送玄扃翳不開更悲泉火滅徒見柳車
迴舊室容衣奠新坐拱樹栽惟應月照簾潘岳此
時哀

庭梅詠

芳意何能早孤榮亦自危更憐花蒂弱不受歲寒
移朝雪那相妬陰風已屢吹馨香雖尚爾飄蕩復
誰知

和黃門盧侍郎詠竹

清切紫庭垂葳蕤防露枝色無玄月變聲有惠風
吹高節人相重虚心世所知鳳凰佳可食一去一
來儀

蘇侍郎紫微庭各賦一物得芍藥

仙禁生紅藥微芳不自持幸因清切地還遇豔陽

時名見桐君錄香聞鄭國詩孤根若可用非直愛
華滋

園中時蔬盡皆鋤理惟秋蘭數本委而不顧
彼雖一物有足悲者遂賦二章

場藿已成歲園葵亦向陽蘭時獨不偶露節漸無
芳旨異菁爲蓄甘非蔗有漿人多利一飽誰復惜
馨香

幸得不鋤去孤苗守舊根無心羨旨蓄豈欲近名
園遇賞寧充佩爲生莫礙門幽林芳意在非是爲
人論

詠燕

紀事云九齡爲相與李林甫同列林甫陰欲中傷之屢陳九齡頗懷誹謗十時

方秋帝命高力士持白團扇以賜將寄意焉九齡惶恐因作賦以獻又爲燕詩以貽

林甫云云林甫覽之

知其必退恚怒少解

海燕何微眇乘春亦暫來豈知泥滓賤祗見玉堂
開繡戶時雙入華軒日幾迴無心與物競鷹隼莫
相猜

答陳拾遺贈竹簪

與君嘗此志因物復知心遺我鍾龍節非無玳瑁
簪幽素宜相重雕華豈所任爲君安首飾懷此代

兼金

聽箏

端居正無緒那復發秦箏
纖指傳新意繁絃起怨
情悠揚思欲絕掩抑態還生
豈是聲能感人心自
不平

乙籤九十三張九齡之四 唐音統籤卷八十一

五言排律一

奉和聖製南郊禮畢酺宴

配天昭聖業率上慶輝光春發三條路酺開百戲
場流恩均庶品縱觀聚康莊妙舞來平樂新聲出
建章分曹日抱戴赴節鳳歸昌幸奏承雲樂同睎
湛露陽氣和皆有感澤厚自無疆飽德君臣醉連
歌奏柏梁

奉和聖製登封禮畢洛城酺宴

大君畢能事端展樂成功運與千齡合歡將萬國

同漢醜歌聖酒韶樂舞薰風河洛榮光遍雲煙喜
氣通春華頓覺早天澤倍知崇草木皆沾被猶言
不在躬

恩賜樂遊園宴應制

寶筵延厚

一作錫

命供帳序羣公形勝宜春接威儀

建禮同晞陽人似露解慍物從風朝慶千齡始年
華二月中輝光遍草木和氣發絲桐歲歲無爲化
寧知樂九功

奉和聖製皇渡蒲津關

魏武中流處軒皇問道廻長堤春樹發高掌曙雲

開龍負王舟渡人占仙氣來河津會日月天仗役
風雷東顧重關盡西馳萬國陪還聞股肱郡元首
詠康哉

奉和聖製二相南出雀鼠谷

設險諸侯地承平聖主巡東君朝二月南旆擁三
辰寒出重關盡年隨行漏新瑞雲叢捧日芳樹曲
迎春舞詠先馳道恩華及從臣汾川花鳥意併奉
屬車塵

奉和聖製途經華山

萬乘華山下千巖雲漢中靈居雖宵密睿覽忽玄

同日月臨高掌神仙仰大風攢峯勢岌岌翊輦氣
雄雄揆物知幽贊銘勛表聖衷會應陪玉檢來此
告成功

奉和聖製早登太行山率爾言志

孟月攝提貞乘時我后征晨嚴九折度暮戒六軍
行日御馳中道風師卷太清戈鋌林表出組練雪
潤明動植希皇豫高深奉睿情陪遊七聖列望幸
青神迎氣色煙猶喜恩光草尚榮之罍稱萬歲今
此復同聲

奉和聖製經河上公廟

昔者河邊叟誰知隱與仙姓名終不識章句此空
傳跡爲坐忘晦言猶強著詮精靈竟何所祠宇獨
依然道在紆宸睭風行動睿篇從茲化天下清淨
復何先

奉和聖製過王濬墓

漢王思鉅鹿晉將在弘農入蜀舉長算平吳成大
功與渾雖不協歸皓實爲雄孤績淪千載流名感
聖衷萬乘度荒隴一顧凜生風古節猶不棄今人
爭効忠

奉和聖製送尚書燕國公赴朔方

紀事云明
皇送張說

巡朔方賜詩云命將綏邊服雄圖出廟堂
說應制詩有從來思博望許國不謀身之
句張嘉正云山川看是陣草木想爲兵盧
從愿云佇聞歌杖杜凱入繫名王徐知仁
云由來詞翰首今見勒燕然皆取制勝之
義獨九齡詩云宗臣事有征廟算在休兵
天與三台座人當萬里城朔南方偃革
河右斃揚旌大抵取旋師偃武之義

宗臣事有征廟算在休兵天與三台座人當萬里
城朔南方偃革河右斃揚旌寵錫從仙禁光華出
漢京山川勤遠畧原隰軫皇情爲奏薰琴唱仍題
寶劍名聞風六郡伏計日五戎平山甫歸應疾留
侯功復成歌鍾旋可望衽席豈難行四牡何時入
吾君憶履聲

洪州西山祈雨是日輒應因賦詩言事

茲山蘊靈異走望良有歸丘禱雖

一作亦

已久曠心

難重違遲明申藻薦先夕旅巖扉獨宿雲峯下蕭
條人吏稀我來不外適幽抱自中微靜入風泉奏
涼生松栝圍窮年滯遠想寸晷閱清暉虛美悵無
屬素情緘所依詭隨嫌弱操羈束謝貞肥義濟亦
吾道誠存爲物祈靈心候已應甘液幸而飛閉閣
且無責隨車安敢希多慙德不感知復是耶非

郡內閒齋

郡闕晝常掩庭蕪日復滋簷風落烏毳牕葉掛蟲

絲拙病宦情少羈閒秋氣悲理人無異績爲郡但
經時唯有江湖意沈冥空在茲

劉辰翁云高爽沈
着而句句婉美韋

蘇州可得
此風味

南山下舊居閒放

祗役已云久乘閒返服初塊然屏塵事幽獨坐林
間清曠前山遠紛喧此地疎喬木凌青靄脩篁媚
綠渠耳和繡翼鳥自暢錦鱗魚寂寞心還閒

一作
閒

飄飄體自虛興來命旨酒臨罷閱仙書但樂多幽
意寧知有毀譽尚想爭名者誰云要路居都忘下
流歎傾奪竟何如

高齋閒望言懷

高齋復晴景延眺屬清秋風物動歸思煙林生遠
愁紛吾自窮海薄宦此中州取路無高足隨波適
下流歲華空冉冉心曲且悠悠坐惜芳時歇胡然
久滯留

城南隅山池春中田袁二公盛稱其美夏首
獲賞果會夙言故有此詠

憶昨聞佳境駕言尋昔蹊非唯初物變亦與舊遊
睽幽渚爲君說清晨卽我攜途深獨睥睨歷險共
攀躋林笋苞青籜津楊委綠萸荷香初出浦草色

復緣堤樂處將鷗狎譚端用馬齊且言臨海郡兼
話武陵谿異壤風煙絕空山巖徑迷如何際朝野
從此待金閨

與弟遊家園

本傳九齡以母老請江南州刺
上以爲桂州都督仍充嶺南按

察使又以其弟九章九臯爲嶺南
道刺史令歲時伏臘皆得寧觀

定省榮君賜來歸是晝遊林鳥飛舊里園果讓新

先

作

秋枝長南庭樹池臨

一作連

北澗流星霜屢爾

別蘭麝爲誰幽善積家方慶恩深國未酬棲棲將
義動安得久情留

晚憇王少府東閣

披軒肆流覽雲壑見深重空水秋彌淨林煙晚更
濃坐隅分洞府簷際列羣峯窈窕生幽意參差多
異容還慙大隱跡空想列仙蹤賴此昇攀處蕭條
得所從

賀給事嘗詣蔡起居郊館有詩因命同作

記言聞直史築室面層阿豈不承明入終云幽意
多沈冥高士致休澣故人過前嶺游氛滅中林芳
氣和茲辰阻佳趣望美獨如何

嘗與大理丞袁公太府丞田公偶詣一所林
沼尤勝因並坐其次相得甚歡遂賦詩焉以

詠其事

方駕與吾友同懷不異尋偶逢池竹處便會江湖
心夏近林方密春餘水更深清華兩輝暎閒步亦
窺臨蘋藻復佳色鳧鷖亦好音韶芳媚洲渚蕙氣
襲衣襟蕭蕭散皆爲樂徘徊從所欽謂予成夙志歲
晚共抽簪

祠紫蓋山經玉泉山寺

指塗躋楚望策馬傍荆岑稍稍松篁入泠泠礧谷
深觀竒逐幽暎歷險忘嘔欽上界投佛影中天揚
梵音焚香懺在昔禮足誓來今靈異若有對神仙

其一作真

可尋高僧聞逝者遠

絕一作

俗是初心薛駁

經行處猿啼燕坐林歸真已寂滅留迹豈沈湮法地自茲廣何云千萬金

登總持寺閣

香閣起崔巍高高沙版開攀躋千仞上紛詭萬形來草間商君陌雲重漢后臺山從函谷斷川向斗城迴林裏春容變天邊客思催登臨信爲美懷遠獨悠哉

登樂遊原春望書懷

城隅有樂遊表裏見皇州策馬旣長遠雲山亦悠

悠萬壑清光滿千門喜氣浮花間直城路草際曲
江流憑眺茲爲美離居方獨愁已驚玄髮換空度
綠萼柔奮翼籠中鳥歸心海上鷗既傷日月逝且
欲桑榆收豹變焉能及鸞鳴非可求願言從所好
初服返林丘

西江夜行

遙夜人何在澄潭月裏行悠悠天宇曠切切故鄉
情外物寂無擾甲流澹自清念歸林葉一作春服換愁
坐露華生猶有汀洲鶴宵分乍一鳴

自始興谿夜上赴嶺

嘗蓄名山意茲爲世網牽征途屢及此初服已非
然日落青巖際豁行綠篠邊去舟乘月後歸鳥息
人前數曲迷幽嶂連圻觸閣泉深林風緒結遺夜
客情懸非梗胡爲泛無膏亦自煎不知于役者相
樂在何年

候使登石頭驛樓作

山檻憑高

一作南

望川途眇北流遠林天翠合前浦

日華浮萬井緣津渚千艘咽渡頭漁商多未事耕
稼少良疇自守陳蕃榻嘗登王粲樓徒然騁目處
豈是獲心遊向跡雖愚谷求名異盜丘息陰芳木

所空復越鄉憂

經江寧覽舊跡至玄武湖

南國更數世北湖方十洲
天清華林苑日晏景陽樓
果下迴仙騎津傍駐綵旂

一作旒

鳧鷖喧鳳管荷

芰鬪

一作暗

龍舟七子陪詩賦千人和棹謳
應言在

錦樂不讓橫汾秋風俗因紆慢
江山成易由駒王
信不武孫叔是無謀佳氣日將歇
霸功誰與脩
桑田東海變麋鹿姑蘇遊
否運爭三國康時劣九州
山雖幕府在館豈豫章
甯水淀還相閱菱歌亦故
邁雄圖不足問唯想事風流

登臨沮樓

高深不可厭巡屬復來過本與衆山絕兀茲韶景
和危樓入水倒飛檻向空摩雜樹緣青壁樛枝掛
綠蘿潭清能徹底魚樂好跳波有象言難一作具
無端思轉多同懷不在此孤賞欲如何

登荊州城樓

天宇何其曠江城坐自拘層樓百餘人迢遞在西
隅暇日時登眺荒郊臨故都纍纍見陳迹寂寂想
雄圖古往山川在今來郡邑殊北疆雖入鄭東距
豈防吳幾代傳荆國當時敵陝鄂上流空有處中

月音新金
土復何虞枕席夷三峽關梁豁五湖承平無異境
守隘莫論夫自罷金門籍來參竹使符端居向林
藪微尚在桑榆直似王陵躡非如竊武愚今茲對
南浦乘鴈與雙鳧

登城樓望西山作

城樓枕南浦日夕顧西山宛宛鸞鶴處高高烟霧
間仙井今猶在洪厓久不還金編莫我授羽駕亦
難攀簷際千峰出雲中一鳥閒縱觀窮水國游思
徧人寰勿復塵埃事歸來且閉關

商洛山行懷古

園綺值秦末嘉遁此山阿陳迹向千古荒途始一
過碩人久淪謝喬木自森羅故事昔嘗覽遺風今
豈訛沁泉空活活樵叟獨皤皤是處清暉滿從中
幽興多長懷赤松意復憶紫芝歌避世辭軒冕逢
時解薜蘿盛明今在運吾道竟如何

奉使自藍田玉山南行

征驂入雲壑始憶步金門通籍微軀幸歸途明主
恩匪唯狗行役兼得慰晨昏是節暑云熾紛吾心
所尊海縣且悠緬山郵日駿奔徒知惡蠹事未暇
息陰論嶢武經陳迹衡湘指故園水聞南澗險烟

望北林繁遠靄千巖合幽聲百籟喧陰泉夏猶凍
陽景晝方暎懿此高深極徒令夢想存盛明期有
報長往復奚言

初發江陵有懷

極望涔陽浦江天渺不分扁舟從此去鷗鳥自爲
羣他日懷真賞中年負俗紛適來果徼尚候爾會
斯文復想金閨籍何如夢渚雲我行多勝寄浩思
獨氛氲

南還湘水言懷

拙宦今何有勞歌念不成十年乖風志一別悔前

行歸去田園老儻來軒冕輕江間稻正熟林裏桂
初榮魚意思在藻鹿心懷食苹時哉苟不達取樂
遂吾情

登襄陽峴山

昔年亟攀踐征馬復來過信若山川舊誰如歲月
何蜀相吟安在羊公碣已磨今圖猶寂寞嘉會亦
蹉跎宛宛樊城岸悠悠漢水波逶迤春日遠感寄
客情多地本原林秀朝來烟景和同心不同賞留
歎此巖阿

陪王司馬登薛公逍遙臺

并序

故郡城有荒臺焉。雖層宇落構而遺製歸然。邑老相傳。斯則薛公道斷之所憇也。薛公不容隋季。出守海隅。豈作臺榭之榮奢。蓋因丘陵而視遠。必有以清滌孤憤。舒曠佳辰。齊文翰以相宣。仰風流而未泯。今司馬公英達。好古清譽。滿時迹。有忤於貴臣。道未行於明主。以長沙下國。同賈誼之謫居。六安遠郡。無桓譚之不樂。嘗以爲仁不異遠。必敷政以愛人。窮當益堅。已坦懷而樂地。屬府庭閑暇。江浦清明。南土陽和。覺寒氛之向盡。東郊候暖。愛春色之先來。於是命輕舸以乘流。迓高臺而降望。越荒堞。披古道。躋隱嶼。而三休俯。半綿而四極。其遠則烟連井墟。指既宿。以南眺雲合山川。拒荆吳而北走。其近則深谿見底。鱗介之所出。沒喬林。夾岸羽毛之所翺翔。悠哉薛公。無不寄也。意神期之可接。陟彼峻闕。想風景之不殊。剪爲葦草。司馬公又以爲峴山故事。感羊枯以興言。湘水遺風。懷屈原而可作。况登高能賦。得無述焉。某實小人。受教君子。雖義之樂會稽之士。自與許詢而仲舉禮豫章之人。復招徐孺是日也。羣英在焉。猥惟陋才。忝

陪下列祗命爲
序請各言詩

嘗聞薛公淚非直雍門琴竄逐留遺跡悲涼見此
心府中因暇豫江上幸招尋人事已成古風流獨
至今閒情多感歎清景暫登臨無復甘棠在空餘
蔓草深晴光送遠目勝氣入幽襟水去朝滄海春
來換碧林賦懷湘浦弔碑想漢川沈曾陪遊日
徒爲梁甫吟

卷終